

Casnan tabata traha di palo di mangel

Mayoria di e casnan tabata traha di rama di palo di mangel cruza den otro despues strika cu pajota, esta klei machica cu jerba cu nan ta pone muri un dia pa otro.

Tanto e muraja como e dak ta ser cubri cu pajota.

E casnan tabata fresco, awa no tabata pasa y nan tabata soporta biento bon.

Forma di e casnan tabata un sala meimei cu un cuarto pa camber. Padilanti y patras un hadrei, mayoria di biaha e hadrei di padilanti tabata di mihor material cu esun di patras.

Den e hadrei tanto di patras

como esun di padilanti tabata tin 2 sokete den muraya pa carga e hamaca.

E cushina tabata poco separa di e cas y cu un fogon cu tres piedra. Despues nan a cuminza traha fornu pa horna pan.

Cada cas tabata tin piedra di mula maishi, cu nan dos manga y un pidra chiquito pa mula kofi.

Parti pariba di e casnan tabata tin un rembak chiquito net den huki, caminda nan tabata pone awa aden pa bebe y di eyfo nan tabata saca awa pone den un purun of tinashi trece paden.